



Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.6. Expeditiones sacræ multiplicatæ.

[urn:nbn:de:hbz:466:1-66255](#)

§. VI.

Expeditiones sacræ multiplicatæ.

Noxarum condonatio primum pro sacris expeditionibus facta, cum ad Romaniae Imperium adversus Græcos schismaticos tuendum ampliata esset, brevi in bella omnia, quæ ad religionem magni ponderis esse videbantur, extensa fuit. Summi Pontifices eandem faciebant Hispanis in Mauros euntibus, exterisque illos juvantibus. Et vero semper id erat Christianos ethnicorum jugo liberare, horumque vires minuere. Hinc natæ sunt victoriæ grandes Jacobi Arragoniæ sanctique Ferdinandi Castiliæ Regum, tot arces, urbesque ac provincias occupantium, exempla tam gloria ita sequentibus posteris, ut denique Mauros ex omni Hispania exterminarent. Eodem tempore in Germania sacrum canebatur bellicum contra ethnicos Borussiæ, Liveniæque ac vicinarum regionum, tum ne molestias novis Christianis faceſſerent, tum ut ipſi transirent ad Christum. Alii *Hist. lib. 80.*
sacrorum pugilum adversarii erant hære- §. 43.
 tici, ut Albigenses in Francia, in Germania Stadingi, cæterique. Demum collecti sunt sacræ crucis milites contra Principes in Ecclesiam rebelles, & ab ea proscriptos, quales erant Imperator Frideri-

Y 3 cus

cus II, ac filius ejus Manfredus. Et quia summi Pontifices Ecclesiæ hostes vocabant omnes illos, quibuscum controvèrsiam habebant aliquam etiam temporalia ob commoda, contra hos sacrum pariter bellum edicebant, ultimum suum adversus Principes sibi obstantes perfugium.

Tam multæ vero expeditiones sacræ officiebant sibi mutuo: cruce signati tot diversa in corpora dispersi nihil magni præstare poterant: & hæc fuit causa præcipua amissæ terræ sanctæ. Hispani, Germanique noxarum veniam in patria, quam foris obtinere, Pontifices Maximi suum in Italia statum temporalem, quam regnum Hierosolymitanum conservare, ac Fridericum Manfredumque, quam Sultanos Syrium ac Ægyptum pessundare malebant. Sic subsidia, quæ in Oriente Christiani expectabant, ducebantur alio, vel retardabantur; & expeditionum multitudo illam molitionem, quæ unicus eorum scopus erat, irritam fecit. Immo etiam in contemptum eas adduxit: tantumque aberat, ut, qui eas e pulpitibus suadebant, benevolis, sicut antea, uterentur auribus, ut opus esset singulis auditoribus aliquot dierum annorumve indulgentiam polliceri.

Plenæ autem indulgentiæ extensio etiam militiæ sacræ obfuit. Primum illa promissa est iis, qui caperent arma,

Terram-

Terramque sanctam ipsi peterent. Deinde non illa privandi videbantur, qui, cum per se ipsos militare haud possent, ad bonum rei successum conferrent aliquid; senes, infirmi, foeminæ ad sustentandum sacræ crucis exercitum bonorum partem contribuentes. Tum ad omnes illos, qui ad sumptus belli sacri pecunias largirentur, ampliata est inita proportione summæ, quam darent seu in vita, seu per testamen-
tum. Cruce signati propter obstaculū superveniens voto Superis reddendo im-
pares hujus religione solvebantur ob simi-
lem stipem, & interdum sine gravi causa.
Omnes hæ largitiones magnas pecunia-
rum summas conficiebant, tradebantur
que Quæstoribus Pontificiis, seu Equites
Templarii, seu Fratres Mendicantes, alii-
ve fuerint, insimulati quandoque, quod
hoc munere haud fideliter fungerentur.

§. VII.

Decimæ alicæque collectæ.

Verum hæ ultroneæ pensiones erant fortuitæ: ac experientia docuit, pē-
cuniis certis opus esse ad alendos milites
facros, quorum pars major suis sumptu-
bus militando non erat. Cum proin ad
exactiones ventum esset, quia hujus belli
scopus erat defensio religionis, sumptus
e bonis Deo sacris, hoc est, e proventibus

Y 4 ecclesia-